

Sá’ Yee Kitu Ke Nsay Yee Kùm Ghay Wír Msòŋ

Shúu Fù

Mo kí dzàèn kì kíyín jì viwír ve vír msòŋ ví dzè á fómo Nyù y wùn à jì ghay ḡḡàŋ seé kfəə wír msòŋ sí dzè kinsàŋ ke vitaaví, suuyrú wùn à nyaáŋ é kitu ke nsay,

Mo tà’ntéŋ wùn à nyaáŋ fò ghay wír msòŋé kù dinèn ne laàyeé á dzè wo lìi nyàm se kwa’ wo wù bivirin vífíí vé wíri wùn à woŋ wo wíri kì kér fò á yu vijun ve kisunŋin keé ḡḡèḡḡèr wùn à Bìimée, a`fó á dzə là fan wùn à fo kitan kì sìin kì kíyín jì dzè á shíí wo tavín wo wír dzəm,

Mo kí dzàèn é shíí jì nsər kiŋ á ghay wír msòŋ fo wíri shwíy kílòŋ e wíy e rər sí bì’ fo bó á yò’ dzəə kér dzəə yì mò’ fòo sə vitú vév fò sa’ vitaavíí wùn á nə’sí,

Mo kí dzàèn é shíí fòo yìi é vitúm vi wáa kòŋnén,

Mo wír veé Kintatì ke vitum veé kitu ke nsayi fèrin ne nsər fòo səə bíimé yév e kùm kinsèŋ ke gháy wír nsòŋ, fòo dín viwír wùn à viku`ù y vé wír, à viréḡrèŋ vé lùmèn w`n wííy, e kfèn wáy wáyín jì kikuúyí ke wòŋ wùn à Dzə`èm ye juŋe dzè é mvə vitaaví ve du`un ví,

Mo vitúm ve dzəèn ḡḡàŋ se Kintatì ke vitum veé kitu ke nsay vi kà`àn ne fo áwunee vitu jì á wíy suusin wo’, e so fo wír dzəm wáa ker ghhvé e kfən á lèm nsər see kùm ghay wùn à vitaaví vé wíri.

Mo wír dzə`m kiíy ghay sìn wùn à vitaaví vin ví, kí dzə é shíí fo ḡkà`mé vèn wáa dzə eyiin,

Mo kí dzàèn ben,

Dzə`əm Ye Ku`ùne

Nèn fūŋ

Sá’yee Kitu Ke Nsay Yee Kùm Ghay Wír Msòŋ Rən, jì mfi’ njiin yee réŋ fo wíri wùn à vitúm vi vidzəm, e dú e máy jiwír wò`ón mò`ón wùn à Vintati veé wòŋ vi, mo á lem s`a`rən ḡhán sídzəm e vífii, a wíy á mùm e mvèm yè`éy wùn à duŋrii fò á tavír ghhvé m gháy sìn wùn a vitaaví vin ví, shishár shishàr, e mvém wóŋ wùn ákitu ke nsay fò yìi, áá kiíy e kfən á lèm kijuujùŋ e mvèm wír veé vitum ve dzəəŋ ḡḡàŋ sì wùn à wír veé vitum ve áwune sar sá`rən ví.

1

Á dzəə wir dzəm réŋrèŋ fò ghhvəm wùn à fò ḡhà y, á yo’ dzəə wir msòŋ jì kwàn. Wír dzəm km k fómo woo fò kwà`ti wùn à fò vífii, a wù kér fò á yìi e wùmò’ woo wír moo fər va.

2

Wír dèm kér ghay wùn à vitaaví ví vidzəm mo sá’ rəne suuyin là nya’ kìn kùm rá m, nshòm, kìn lumèn kìn Wíyí, kìn lám, bíimé yee kùm Nyù y, dzəə sa’, kwa`ti símó`sí, kitúm wùn à ḡkè’ se dzə`əm sì, kéŋ, kidzəəy kìn anta’ á mó`ó.

3

Wír dzəm kér vitaaví fò á dzə e tin, fòo yìi mo wù ta’ a yìi e kfən á dzə e kiŋèn.

4

Wír yò’ kér fò á lì m vikwàn, kìn á lì m lim yee là vikaanè. Vikwàn wùn à mfiinè wír msòŋ, kìn dzə é dzəə rən é yò’ kér fò á dzə.

5

Á yò’ kér fò á nyàvrì e wír á yìi kfəə kinyò ke kí wáa kìn moo jì wír yó’ dzə á wír bèy.

6

Fo nsər sì, wír dzəm kér ghay viró’ vidzəm fò á yensín jì wír.

7

Wír dzəm dzə réŋrèŋ é sar nsər. A nsər kér fò á shi y wun réŋrèŋ là nya’. Nsər kér fò á kiŋ wir dzəm réŋrèŋ là nya’ e ghan se kinyà’ kì nəə n ne e nèn bvə’ sá’ wír msòŋ rən. Lá wír yò’ á bayír wíri jì á wáa leéy á mó`ó ntéŋ.

8

Wír dzəm kér ghay jì nsər yee wòŋ nəə e wun kinyò, e tàr kijuŋ e ghan se wír /wíri bvə`ən nsər ye woŋe foon kìn ye yì dzəèn é ḡwà’ nsər woó wòŋ, jì yì wáa shi y wun/áwune.

9

Lá wír yò`wíy koò wír e fin e lav, e nə`si kìn e jùm fo wòŋ, a bó nsər yee wòŋ yo’ biimé.

10

Wír dzəm kér ghay réŋrèŋ fo á sá’ nsa`rə là kilo’, a wù kér ghay jì á sá’ á nsa’ rə é lav nsa’ yee ḡḡèḡḡèr ye yì tíy fo wun kitu, kfən sá`nsa’ réŋrèŋ mo yì dzəèn là kilo’ fòo dín vitaaví ve wù kéri wùn à vinyo ve wù kér fòo yìi vi wùn à nsa’ yee kùm wun.

11

Wír dzəm wo á toyin wun e kinyó kér ghay fo kwa`tìi wáa dzə jì wù dzə á là jay, e meé e ghan se wù tiim e ḡḡèḡḡèr e kibà’ ke nsa’ áá sá’ wun réŋrèŋ mo nsər dzəèn, e bóo yen jay və bì’ fo dzəèn fen fo dzə dzəə sí fəəsin fòo sə wun.

Bó yò`dzə á koò wír jì bì’ fo wù bù`ùn kinyo, kìn dzə kinyo kee là ndzən ke á gov wír sho, e sar nsər wóŋ kìn yee kitu ke nsay e ghan se kinyo kee shooy kì kooyin, a bó yò’ dzə á fò ḡge’ là’ ye yì shaa kinyo ke ḡwèrín kì bù`ùn e ghan se kinyo kì kì kooyin.

12

Á yò’ kér fòo nəə e wír kilitì ké dzə`ə`m, kfəə’, lá’, ntum sì kín fò á ròn ghhvé m rə, kìn yìr rə, a bó yò`dzə mo nsər ta`à. Wír dzəm kér ghay fo nsər kiŋ wun fo vinyò fèn.

13

Wír dzəm kér ghay fò á ghan á shiíy ááwunee mvəm woŋ mo wù koŋé.

wír dzəm kér ghay fòo fəə fo wòŋ wúmó`ó kìn fo vəə, e kfən á ker vitaaví fòo kfən e bà m e wun wòŋ.

14

Wír dzəm kér ghay wo dzə wù wàa tà’ e kfən á yu vijun ve kibeəy fò kinjuyrì wír kìn dzə é kitum kiné kí.

Kibeəy kìn kì yò`dzə kí wàa dzə fo wír vee mo á nyéŋ fo nsa’ se bó sí yo’ kùm dzəə sa’ yee wòŋ wùn à vinyo ve bó ví yò’ tóm ashií wùn à nsər se vintatì veé kitu ke nsay.

15

wír dzəm kér ghay e wun wòŋ fò á dzə wan Nsay.

Bó nsər yo`biimé jì á shá`nín á wír fo wun ḡhà y moo wan nsay kìn fòo sha`nín ghay vé fo wù kúvsn kitúm kfə (woŋ yə’)

16

Vilum wùn à Vikiy ve á kuyin ne là biíy kùm rám, woŋ wùn à biímée, á kér ghay fó a ker tátí vijin, a fèr kfəó. Áwune kér vitaáví réŋrŋ é ghan sé tátí vijín, e mvəm dzà’əm tátí vijin wùn á ghan sé jàvsin.

Tátí vijiné kù dzə cá’ a dzə cá’ a dzə fo Wiíy wùn Lùmèn ve á biimen fo áwune vitu ji dzə á wàa dzə.

Kfəə dzə fómo Nyù, a kfən dzə kintatì ke ŋgwarìn wòŋ, a kitúm wùn à woŋe kér fó a kɪŋ.

17

Wir dzəm kér vitaáví fó a ker vífá vé fo wun kitu réŋréŋ mo dzə wù wàa ker e kintatì wùn à wír á mó’ó.

Nsər yo’biímé ji wir wùmò’ kinen á wír wùmò’ fo wun keŋ.

18

Wir dzəm kér ghay fó a ker kwa’tì ró, vífí vé wùn à biímé rəó. Ghay rəne tàtí vitaáví vee fóo kuvsín dzəə biímé Nyúy, fo wun kitu kín é Kintatí wùn à wír á mó’ó wùn à é ŋgèŋgèr kín kintatì fóo dìn biímé ró moo é dùŋrì, e yìi, e ghwəm wùn à fóo lè m nsər.

19

Wir dzəm kér ghay fóo shù kinyo wùn à fóo suúy kwa’tì rə; ghay rəne fó vitaáví fo wir wáa tiy e wun nshù là kinjivir wùn à fóo tà’, e səəsí, e kfən sàmèr sá’ka wùn à kwa’tì si e dzəə see mo sá’ka yii ghánen sho e kitu ke nsay là biíy.

20

Wir dzəm kér ghay fóo tarnín wùn à wíri e kfən tátí kintatì ke dzə’əm yee nyaáj.

Lá wir yò’ kàn wír ji wù tátí á kintatì ke bó yò’ dzəən koŋ ró.

21

Wir dzəm kér ghay fóo a dzə e mvəm sa’yee wun wòŋ, fo wun kitu kin fóo sho’ wíri aá li kiré’ kfá.

Wir dzəm kér ghay réŋréŋ fóo li kinyo kfə e dù sho e virə’ vé lìm vee wun wòŋ aá ka’ay.

Tím sa’ yee wòŋe wiý a dzə, a dzə mo wíri koŋè. Koŋ rəne wiý a dìn wún é dzəə ye á wiý a sho’tí wíri shó e ghan sí ghan sí là kilo’, a shó’ tí rəne wiý a yìi wir dzəm wo wù kuyin ne wùn à viréŋréŋ ví, aá wiý a sho’ e kilìtì kìn é dzəə yee réŋ yimò’ ye yì shwinen rən.

22

Wir dzəm, moo wír woó wòŋ kér ghay ló a dzə e kiŋèn, e klən a yen ji woŋe wùn à vitúm vimó’ ví suúsín á wó, a kiŋ wun réŋréŋ mo káv kin kéŋe dzəə`n é wòŋ si wòŋ si, e kùm ghay dzəə keŋ, dzə’əm wùn á líi woŋ wov ve dzəən ku fó wun viwír wùn, wùn à ghwéme.

23

Wir dzəm kér ghay fó a ker lim. Fóo sho’ kfəə lìm ye wù koŋè, e laá yò’ a bo’ wun, é wù wáa lìm lim a yu vijuj wùn à ji wù wáa dzə e kiŋèn fó kibuj ke lim.

Wir dzəm wo wù lìm lìm réŋréŋ kér fó a ker vila’ày réŋréŋ là nya’.

Wir dzəm wo wù lìm lìm kér ghay fó a ker vilaámé vee réŋ ve ví gheenén wun ve dzə ví tò m wun wùn à kfəə rəó ji a dzə yí wàa ker viwír ve wir msòŋ, wùn à ntom sí mó’ sí, a shíi fèn dzə se sí wáa kìn dzə’əm ró.

Wir dzəm kér ghay fóo kè’ kìn fóo tátí vintatì ve ví kiŋ lìm ró vee wun kòŋ.

24

Wir dzəm kér ghay fóo meèmè fo shuu lìm a yìi kifá ke wù koŋè, e tátí wùn à ghán sé lìm se sí wáa dzə sì gheénén wùn à vishiíy ve bam vi, a meèmè yee kè’ fó ŋgàm ye yí wáa ker vilaámé.

25

Wir dzəm kér ghay fóo a ker dzə’əm ye yí wáa dzə e gheénén fóo yìi é wún wun wáa dzə e távín wùn à kfəə rəə, moo fó viyikir, ndzəy, lav wùn à shív si, a vinyo veé shíi ve ví wáa sə wun, e kfən a ker ghay fo á wáa leéy fo wun e ghan sé kibuj ke lìm, se yàsí, sé ndzəm, sé viŋkfə, sé vidzəə n è kin kighà’ woó dzə’əm wo wù shaàne vitaávi vé.

Yiy wùn wàn kér ghay fó a ker leéy wùn àsé yee jeéyí. Wón adzəm ve a dzəən kìn é mvəm tátí vijin kìn é visàkii kér ghay réŋréŋ fó a dzə à kiŋèn é dzə’əm.

26

Wir dzəm kér ghay fóo ye’éý ŋwà’. Yé’éý rəne kér fó a dzə kisán, a kí fèm ghà’é le, e ŋkè’sé á dzəó yiy yé’éý sho yíyin. Ŋkè’ yé’éý ye yiyìn rən kér fó a dzə kù fo wir dzəm. Yé’éý fèr wùn à yé lɪme kér fó a dzə tèèter fo wir dzəm. Yé’éý se tavkín sí se sí shaàn sin si wiý a dzə fo wir dzəm reŋréŋ mo vífí vé ví dzəən.

Shíi ŋwà’wo ye’éýine kér fó a dzə fóo yìi é wir kiíy wùn à fóo tavír ghwém yee kùm ghay wùn à vitaávi vé wir msòŋ ví. Yí kér fóo kuyír yúnín, a lì vinyo fotèr, a kuyír viŋkar e vitúm vidzəm ví mvəm, e mvəm kfəə se wir msòŋ kìn vitatì ve dzəə biímé Nyù, e kdən a tavír lìm se kintatì ke vitum veé kitu ke nsay fó a lè m nyaáj.

Atàr wùn aàyiýí kér ghay fóo sho’ kfəə ye’éý ye dzə á wàa fo e wón véví.

27

Wir dzəm kér ghay fó a tátí là kan e vinyò ve lìi woo wun wòŋ, e kfən a yu vijuj ve fèr, a ker kilíŋ fo kikuuyí ké vinyò ve á tàrìn ne kijuj wùn à sé’ və.

Wir dzəm kér ghay fó dzə e kiŋèn fó yir wùn à fó sé’ wo wù loòn fo wun fèr kìn dzə yé tàr vinyò, sáj wùn à yé fèr kiwoo.

28

Wir dzəm kér ghay fó a ker nyaáj e wun wòŋ wùn á kitu ke nsay, e fí’ a ker ghay wùn à vitaávi vé ví mo sá’ rəne suuyin.

29

Wir dzəm kér fó a lìm, a dzə e wun kilíŋ bi’fo dzəən fó cá’ cá’ fo dzə wù kuyír kitú kfə là kinjivir.

Mo wir dzəm dìn ghay sìn wùn à vitaávi vé ví, wiý a sər cá’ vinyo vee mo nsər suuyi, e fí’ a kɪŋ kiíy wùn à ghwéme fo ghà y wùn à vitaávi vé wir á mó’ó wùn à fóo runér réŋréŋ mo lìi wo juŋ, nyaáj woó wòŋ wùn à dzə’əm ye juŋe e wòŋ wo wir dzəm kér ghay shoo ta’ à.

Bó yò’dzə a dìn ghay sìn wùn à vitaávi vin vi jeéy e shaà fo dzəə yee mo kintatì ke vitúm veé kitu ke nsay ki ta’ à.

30

Ki nyo ki yò’dzə shó e sa’ fèn ke dzə kitúm, kintatì kìn wír wù bìnér ji kí fó wun vitaávi ji wù wàa yii á kinyo ke kí laar á ghay sí wùn à vitaávi ví ve á saŋen é sa’fèn.